



TUZLANSKI KANTON  
SKUPŠTINA  
n/r predsjednika

Broj: 02/1- 11- 22048-1/24  
Tuzla, 03.09.2024. godine


**PREDMET: Prijedlog Zakona, dostavlja se**

Shodno članu 62. i 63. Poslovnika Skupštine Tuzlanskog kantona („Službene novine Tuzlanskog kantona“, broj: 13/19 i 5/20), dostavljamo Vam pijedlog Zakona o izmjeni Zakona o izvršenju Budžeta Tuzlanskog kantona za 2024. godinu, radi uvrštavanja i razmatranja po hitnom postupku na sjednici Skupštine Tuzlanskog kantona zakazanoj za srijedu 11.09.2024. godine.

S poštovanjem,

**DOSTAVITI:**

- 1 x Skupštini Tuzlanskog kantona
- 1 x Evidenciji
- 1 x a/a



**PREMIJER KANTONA**

**Irfan Halilagić**

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-11-22048/24  
Tuzla, 03.09.2024. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 03.09.2024. godine, donosi

**O D L U K U**  
**o utvrđivanju prijedloga Zakona**

**I**

Utvrđuje se prijedlog Zakona o izmjeni Zakona o izvršenju Budžeta Tuzlanskog kantona za 2024. godinu.

**II**


Prijedlog Zakona iz tačke I ove Odluke uputit će se Skupštini Tuzlanskog kantona na razmatranje i donošenje po hitnom postupku.

**III**

Odluka stupa na snagu danom donošenja.

**DOSTAVITI:**

- 1 x Skupštini Tuzlanskog kantona
- 1 x Ministarstvu finansija
- 1 x Evidenciji
- 1 x a/a



**PREMIJER KANTONA**

**Irfan Halilagić**

BOSNA I HERCEGOVINA  
Federacija Bosne i Hercegovine  
TUZLANSKI KANTON  
V L A D A

Z A K O N  
O IZMJENI ZAKONA O IZVRŠENJU  
BUDŽETA TUZLANSKOG KANTONA ZA 2024. GODINU

Tuzla, septembar 2024. godine

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj \_\_\_\_\_2024. godine, donosi

**ZAKON**  
**O IZMJENA ZAKONA O IZVRŠENJU**  
**BUDŽETA TUZLANSKOG KANTONA ZA 2024. GODINU**

**Član 1.**

U Zakonu o izvršenju Budžeta Tuzlanskog kantona za 2024. godinu (“Službene novine Tuzlanskog kantona”, broj: 3/24) član 42. stav (4), mijenja se i glasi:  
“(4) U okviru odobrenog Budžeta preraspodjela sredstava izuzetno je dozvoljena između budžetskih korisnika, o čemu odlučuje Vlada Kantona na prijedlog Ministarstva finansija.”

**Član 2.**

Ovaj Zakon stupa na snagu narednog dana od dana objavljivanja u “Službenim novinama Tuzlanskog kantona”.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština

Broj:  
Tuzla,

Predsjednik  
Skupštine Tuzlanskog kantona  
Žarko Vujović, v.r.

**O B R A Z L O Ž E N J E**  
*Prijedloga Zakona o izmjeni Zakona o izvršenju  
Budžeta Tuzlanskog kantona za 2024. godinu*

**PRAVNI OSNOV ZA DONOŠENJE ZAKONA**

Pravni osnov za donošenje Zakona sadržan je u odredbama člana 24. stav 1. tačka c) Ustava Tuzlanskog kantona, u kome je utvrđeno da Skupština Kantona donosi zakone.

Vlada Kantona kao ovlašteni predlagač utvrdila je tekst prijedloga Zakona i isti uputila u dalju skupštinsku proceduru.

**RAZLOZI ZA DONOŠENJE ZAKONA**

Razlozi za donošenje Zakona o izmjeni Zakona o izvršenju Budžeta Tuzlanskog kantona sadržani su u potrebi uređivanja preraspodjela odobrenih rashoda i izdataka u Budžetu Tuzlanskog kantona za 2024. godinu.

**OBRAZLOŽENJE POJEDINIH ODREDBA ZAKONA**

Članom 1. prijedloga Zakona o izmjeni Zakona o izvršenju Budžeta Tuzlanskog kantona za 2024. godinu izmjenjen je član 43. stav (4) na način, da je utvrđeno da je u okviru odobrenog Budžeta, preraspodjela sredstava, izuzetno dozvoljena između korisnika, o čemu odlučuje Vlada Kantona, na prijedlog Ministarstva finansija. Navedenom izmjenom Zakona stvoriti će se uslovi za preraspodjelu odobrenih sredstava u Budžetu Tuzlanskog kantona između rashoda i izdataka i obratno, o čemu će odlučivati Vlada Kantona, na prijedlog Ministarstva finansija.

Članom 2. prijedloga Zakona o izmjeni Zakona o izvršenju Budžeta Tuzlanskog kantona za 2024. godinu, definisan je rok stupanja na snagu Zakona.

**FINANSIJASKA SREDSTVA POTREBNA ZA PRIMJENU ZAKONA**

Finansijska sredstva potrebna za primjenu Zakona o izmjeni Zakona o izvršenju Budžeta Tuzlanskog kantona za 2024. godinu obezbjeđena su u Budžetu Tuzlanskog kantona za 2024. godinu, s obzirom da se navedena izmjena odnosi na preraspodjelu sredstva odobrenih u Budžetu Tuzlanskog kantona za 2024. godinu ("Službene novine Tuzlanskog kantona", broj: 3/24).

**POSTUPAK ZA DONOŠENJE ZAKONA**

Donošenje Zakona predlaže se po hitnom postupku, obzirom da se radi o uređenju pitanja za čije uređivanje postoji neodložna potreba kao i kratkoj i jednostavnoj izmjeni Zakona o izvršenju Budžeta Tuzlanskog kantona za 2024. godinu. Naime, obzirom da Vlada Federacije BiH nije izvršila transfer sredstava prema nižim nivoima vlasti, a koja su planirana u Budžetu Tuzlanskog kantona za 2024. godinu za realizaciju kapitalnih projekata, potrebno je hitno djelovanje kako bi se u što kraćem roku obezbijedila sredstva i uredio način za korištenje sredstava za realizaciju kapitalnih projekata planiranih Budžetom za 2024. godinu.

Zbog naprijed navedenog, smatramo da su ispunjeni uslovi iz člana 150. stav 2. Poslovnika Skupštine Tuzlanskog kantona.

**PREDLAGAČ**  
**VLADA KANTONA**